

BATANA BATU KULTUR ELKARTEA



ELKARTEA JAURLARITZA
GOBIERNO VASCO
Justizi, Ekonomi, Lan eta Gizarte
Segurantzaren Sarea
Bazkunen Errolda

Departamento de Justicia, Economía,
Trabajo y Seguridad Social
Registro de Asociaciones

ELKARTEAZ OROHAR.

SARRERA (Txostenekoa).

LEHENENGO ATALBURUA

IZENA

1. Atala.- BATANA BATU izeneko irabazpenak lortzeko asmorik gabeko kultur elkartea osatu da, Legebiltzarrak onartutako Otsailaren 12 3/1988 Elkartearen Legean ezarri-takoaren arabera eta Euskadiko Autonomi Estatutuaren 9. Atalean azaltzen denarekin bat.

Aipatutako Elkarteak honako araubidea izango du: Elkarteei buruzko Legearena, Estatutu hauek berak -Legearen aurkakoak ez badira, beti ere-, bere Zuzendaritza Batzordeak behar bezala hartutako erabakiak -Legearen eta / edo Estatutuaren aurkakoak izan ezik- eta Eusko Jaurlaritzak onartu ditzan araudi mailako erabakiak; azken hauek osagarri besterik ez dira izango.

ELKARTEAREN HELBURUAK

2. Atala.- Elkarte honen helburuak honako hauek dira:

- 1) Hiritarren informazio-maila, arlo guztietan baina bereziki auzo bizitzari dagokionez, gehitu eta hobetzea.
- 2) Auzoetako euskaldunen entretenimendua eta kultura garatzea.
- 3) Euskara toki-komunikabideen arloan bultzatzea eta garatzea.

Helburu hauek lortzeko, posibilitateen arabera, honako ekintza hauek eramango dira aurrera, ezarritako legeko baldintzak bete ondoren:

- Begoña aldeko euskarazko komunikabideak sustatu eta mantentzea.
- Antzeko helburuak dituzten erakundeekin elkarlanean jardutea.

Aurreko idazatian azaldutako ekintzen kaltetan gabe, Elkarteak, bere helburuak betetzeko, honakook egin ahal izango ditu:

- Bere helburuak gauzatzeko edo horretarako baliabideak biltzeko era guztietako ekonomi ekintzak gauzatzea.
- Era guztietako ondasunak eskuratu eta eduki, eta mota guztietako egintzak eta hitzarmenak egitea.
- Nolanahiko ekintzak burutzea, beti ere legeekin eta bere Estatutuekin bat etorritik gero.

ELKARTEAREN EGOITZA

3. Atala.- Elkarte honen egoitza nagusia Santutxuko Aita Pernet, 9-behean egongo da.


Batzar Orokor Bereziak horrela erabakiz gero, Elkarte-egoitza edo Elkartearen beste tegiren bat tokiz aldatzeko erabakia Zuzendaritza-Batzordeak hartuko du, eta horrek Elkarte-Erroldari helbide berriaren berri emango dio.

LURRALDE EREMUA

4. Atala.- Elkarte honen ekintzak Bizkaian gauzatuko dira eta, nagusiki, Bilboko Begoña aldeko auzoen inguruan.

HIZKUNTZ JARDUPIDEA

5. **Atala.-** Elkartek, nahiz aurrera daramatzan jarduera ezberdinetan, nahiz beste pertsona eta erakundeekiko harremanetan, erabiliko duten hizkuntza euskara izango da.



IRAUPENA ETA DEMOKRAZIA-ATALA

6. **Atala.-** Batana Batu izeneko Elkartea betirako eratzen da. Elkartea, Ohiz Kanpoko Batzar Orokor Bereziaren erabaki bidez desegin ahal izango da soilik, VI Atalburuan esaten den bezala, edo legeetan jasotako arrazoren batengatik.

Elkartearen barne-eraketa eta barne-iharduera demokraziaren arauzkoak izango dira.

BIGARREN ATALBURUA

ZUZENDARITZA ETA ADMINISTRAZIO SAILAK

7. **Atala.-** Elkartearen Zuzendaritza eta administrazioaren arduradunak elka-rreango honako iharduera-sailak izango dira:

- Bazkideen Batzar Orokorra, ihardute-sail gorena.
- Zuzendaritza Batzordea, zuzendaritzaren elkarreango ihardute-sail iraunkorra.

BATZAR OROKORRA

8. **Atala.-** Bazkide guztiek osatzen duten Batzar Orokorraren bidez adieraziko dira bazkideen nahiak. Ohizko bilerak eta bilera bereziak egingo ditu.

9. **Atala.-** Batzar Orokorraren Ohizko bilera egiteko deia gutxienez urtean behin egin beharko da: lehen hiruhilabetekoan izango da eta, honako puntu hauek onartzeko: Elkartearen iharduketa-egitamu orokorra, aurreko urtean izandako gastu eta diru sarrerei dagozkien kontuen egoera-orria, hurrengo urteko aurrekontua eta Zuzendaritza Batzordearen kudeaketa. Zuzendaritza Batzordeak Batzar Orokorraren aztertarauekin bat eta haren kontrolpean jardun beharko du beti.

10. **Atala.-** Aurreko atalean jasotakoaren kaltetan gabe, Batzar Orokorrak du ondoko erabakiak hartzeko ahalmena:


1. Estatutuak aldatzeko, hurrengo atalean jasotakoaren arabera.
2. Zuzendaritza Batzordea aukeratzeko.
3. Elkartea desegiteko, hala badagokio.
4. Beste Elkartek batzuetan bazkide izan edo beroiekin Federakuntza edo Konfederakuntza osatzeko edo horietakoren batetik ateratzeko.

11. **Atala.-** Batzar Orokorra Zuzendaritza Batzordeak erabakitakoan bilduko da bilkura berezian, bere kabuz edota bazkideen %25ak eskatuta. Bilkura eskatzeko arrazoiak eta helburuak azaldu beharko dituzte. Dena den, honako gaiak aztertzeko eta erabakitzeko bilera egin beharko da:

- a) Estatutuak aldatzeko.
- b) Elkartea desegiteko.

12. **Atala.-** Batzar Orokorrarako deiak, nahiz ohizkoak nahiz bereziak, idatziz egin beharko dira, eta bilera tokia, eguna, ordua eta Aztergaien Zerrenda azaldu. Deia egiten den egunetik Batzarra lehenengo aldiz egingo den egunera bitarteko epea gutxienez zazpi egunekoa izango da. Batzarrerako bigarren deia egitea egokituko balitz, egingo diren bi batzarren artean gutxienez ordu erdia igaro beharko du.

Iragarkian ez balego jasota 2. Deialdi eguna, batzar eguna baino bi egun lehenago izan beharko da noiz izango den.



13. Atala.- Batzar Orokorrak, bai ohizkoak eta bai bereziak, balioz osoturik geldituko dira lehenengo deialdian, bazkideen erdia baino gehiago bertaratuz edo ordezkotzarik egonez gero. 2. Deialdean, berriz, edozein delarik ere bertaratuko bazkideen kopurua.

Bazkideek, beste edozein bazkideren gain utz dezakete beraien ordezkotza Batzar Orokorreran parte hartzeko. Esku hori, idatziz egin beharko da eta Batzarreko Idazkariari eman bilera baino bi ordu lehenago. Elkartearen egoitza dagoen herrian bizi ez diren bazkideek ordezkaritza beste baten esku uzteko adierazten duen agiria postaz bidal dezakete. Bazkide batek, gehienez 4 bazkide ordezkatzeko aukera izango du.

14. Atala.- Batzar Orokorraren erabakiak botu-gehiengoz hartuko dira.

ZUZENDARITZA BATZORDEA

15. Atala.- Zuzendaritza Batzordea honako hauek osatuko dute:

- Lehendakariak, idazkariak, diruzainak eta bi bokalek.

Gutxienez bi hiletan behin bildu beharko du, eta elkartearen ekintzak bideratzeko beharrezko den hainbat alditan.

16. Atala.- Zuzendaritza Batzordeko kideren bat bilera horietara hiru aldiz jarraian, edo bizbatean 5 aldiz ez bada joaten, dagokion kargua utzi egin beharko du, hutsegite horiek ez baditu arrazoitzen behintzat.

17. Atala.- Zuzendaritza Batzordeko kargudunak, Batzar Orokorrak hautatuko ditu eta bi urtetarako izango dira, Batzordeak berariz ezeztatu ezean eta, behin eta berriro hautatu ahal izango dira. Kargu hauek urtero berrituko dira erdika.

18. Atala.- Zuzendaritza Batzordekoa izateko, honako baldintza hauek bete beharko dira:

- a) Estatutuetan esaten den eran izendatua izatea.
- b) Elkarteko bazkide izatea.
- c) Adinez nagusi eta, adinez txiki izanez gero bere burujabe izatea, eta herritar eskubide guztiak izatea.

19. Atala.- Zuzendaritza Batzarkide kargua, Batzar Orokorrak izendatu ondoren, onartutakoan edo jabetzerakoan hartuko dira.

Karguak ordainik gabekoak izango dira. Dena den, Batzar Orokorrak egun-sariak eta gastuak ordaintzea erabaki dezake.

20. Atala.- Zuzendaritza Batzordeko kideek honako kasu hauetan utziko dituzte karguak:

- a) Agintealdia betetakoa.
- b) Kargua uztean.
- c) Bazkide izateari utzitakoan, edo ezintasun-zioak dituenean.
- d) Batzar Orokorrak ezetza erabakiz gero, Estatutu hauetako 16. atalean jarritakoaren arabera.
- e) Heriotzaz.

a) puntuan agertzen dena baldin bada kargua uztearen arrazoia, Zuzendaritza Batzordeko kideek baitean jarraitu beharko dute lehenengo Batzar orokorra egin arte. Batzar horrek aukeratuko ditu kargudun berriak.

b), c), d) eta e) puntuetan agertzen dena baldin bada arrazoia, Zuzendaritza Batzordeak berak hutsik gelditutako kargua betetzeko norbait behin-behingo izendatuko du eta Batzar orokorrak erabakiko du izendapena onartu ala ezeztu. Ezezko bada, dagokion izendapena egingo da.



Batzorde honen osakeran gertatutako aldaketa guztien berri emango zaio Elartean Erreklamo.

21. Atala.- Zuzendaritza Batzordearen betebeharrak hauek dira:

- a) Elkartearen ohizko kudeaketaz arduratzea, Batzar Orokorraren aztertarauen arabera eta bere esanctara.
- b) Elkarreak aurrera eramango dituen ekintzen egitaraua egitea.
- c) Gastu eta sarreraren urteko aurrekontua eta aurreko urteko kontuen egoera-orria Batzar Orokorrari, onar dezan, aurkeztea.
- d) Batzar Orokorraren bileretako aztergai-zerrenda egitea, eta ohizko Batzar Orokorraren eta berezien deialdiak erabakitzea.
- e) Bazkideek egiten dituzten proposamen eta iradokizunei erantzutea eta horretarako behar diren neurriak hartzea.
- f) Batzar Orokorrak berariz izendatua ez duen beste edozein eginkizun.

22. Atala.- Zuzendaritza Batzordeak, Lehendakariak eta, hala balegokio, Lehendakariordeak erabakitako bakoitzean egingo ditu bilerak, euren kabuz nahiz batzorkidaren batek eskatuta. Bileretako buru Lehendakaria izango da edo, bertan ez balego, Lehendakariordea. Biak falta badira, berriz, Batzorkide zaharrena.

Batzordeak hartutako erabakiak baliozkoak izateko, biltzen diren batzorkideen gehiengoak onartu beharko ditu. Horretarako, gutxienez batzorkide kopuruaren erdiak egon beharko du Batzarrean.

Idazkariak bilera-agiriak egingo ditu. Agiri horiek dagokien Liburuan jasoko dira idatziz.

Bakarreango Ihardute-Sailak

Lehendakaria

23. Atala.- Lehendakariak Elkartearen legezko ordezkariak beregain du. Zuzendaritza Batzordeak eta Batzar Orokorrak hartutako erabakiak aurrera eramango ditu. Eraberean, aipaturiko bi sail horien buru izango da.

24. Atala.- Zuzendaritza Batzordeari edo Batzar Orokorrari oso-osoan ez dagozkien eginpideak ere Lehendakariaren esku egongo dira, batez ere honako hauek:

- a) Zuzendaritza Batzordeak eta Batzar Orokorrak egiten dituzten bileren deiak egin eta bukatutzat ematea; bai batean eta bai bestean sortzen diren eztabaidak zuzentzea; eta botuko-berdinketa gertatuz gero, botu ebazleaz erabakitzea.
- b) Elkartearen ekintzen egitasmoa Zuzendaritza Batzordeari proposatzea. Aldi berean, elkartearen zereginak bultzatu eta zuzentzea.
- c) Balioz erabakitako ordainketak egiteko agintzea.
- d) Sortu daitezkeen premiazko arazoei irtenbideak ematea eta, Zuzendaritza Batzordeari lehengo bilkuran horien berri ematea.

Idazkaria

25. Atala.- Idazkariari dagokio zehazki elkartean sartzeko eskadideak hartu eta bideratzea, fitxategia eta Bazkideen lerroka-liburua zaintzea eta Agiri-Liburuaren zaintza eta idazketaren ardura izatea eta, Zuzendaritza Batzordeko nahiz Batzar Orokorrarako aktak jasotzea.

Eraberean, Elkarteen arloan indarrean dauden legezko erabakiak bete daitezzen arduratuko da, Erakundearen agiri ofizialak zaindraz, Elkarre-liburu eta agirien edukina egiaztatuz Zuzendaritza Batzordearen hautaketari eta elkarte-egoitza aldatzeari buruzko beharrezko jakinarazpenak dagokion agintaritzarengana bideratuz.

Diruzaina

26. Atala.- Diruzainak, egindako sarrera eta ordainketen berri emango du, diru-sarrera eta gastuen

urteroko aurrekontua eta aurreko urteko kontuen egoeraren berri emango du. Guzti horiek Zuzendaritza Batzordearen aurrean aurkeztu behar dira, eta honek Batzar Orokorrari, onar ditzan aurkeztu.

EUSKO JAULI ARITZA
GOBIERNO VASCO
Departamento de Hacienda
Bilbao, 1984

HIRUGARREN ATALBURUA

BAZKIDEAK; ONARPEN-BIDEAK ETA MAILAK

27. Atala.- Batana Batu Elkarteko bazkideak pertsona fisikoak zein pertsona juridikoak izan daitezke.

Elkartekide izan nahi eta honako baldintza hauek betetzen dituzten guztiek izan daitezke Elkarteko bazkide:

- 1) Adin-nagusitasuna eta iharduteko gaitasuna izatea pertsona fisikoei dagokienez.
- 2) Pertsona juridikoei dagokienez euskaraz ihardutenak izatea.
- 3) Sarrera-kuota ordaintzea.

28. Atala.- Elkartean sartu nahi duenak idatziz aurkeztu beharko du bere eskabidea. Idatzi hori bi bazkidek izenpetuko dute eta Lehendakariari zuzenduko zaio. Lehendakariak horren berri Zuzendaritza Batzordeari emango dio eta horrek erabakiko du eskabidea egin duena Elkartean onartu ala ez. Dena den, Batzar Orokorrari goradeia egiterik izango da.

29. Atala.- Batzar Orokorraren erabakiz, Elkartekak Ohorezko Bazkide izendatu ahal izango ditu bazkide izateko baldintza guztiak bete arren elkartearen helburuak betetzeko bertaratu ezineko pertsona fisiko nahiz juridikoak.

BAZKIDEEN ESKUBIDEAK ETA BETEBEHARRAK

30. Atala.- Bazkide orok honako eskubide hauek ditu:

1. Elkarre-legearen edo Estatutuen kontrako erabaki eta iharduketak aurkatzekoa, aurkatutako erabakiaren edukina ezagutu edo ezagutzeko aukera egunetik hasi eta 40 eguneko epean.
2. Elkarteko beste bazkideen nortasuna, diru-sarrera eta gastu-kontuen egoera eta Elkartearen ekintzen garapenaren berri jakitekoa.
3. Batzar Orokorraren hitz egiteko eta botua emateko eskubidea erabiltzekoa, eta eskubide hori beste bazkideren baten esku utzi ahal izatekoa.
4. Elkarteko Estatutuon arabera, Elkarteko zuzendaritza-sailetan parte hartzekoa eta sail horietako hautagai nahiz hautesle izatekoa.
5. Indarrengo legedian oharmandako Bazkide-zerrendan agertzekoa eta, Zuzendaritza Batzordeak erabakitako moduan, Elkartearen ikurra, baldin badu behintzat, erabiltzekoa.
6. Estatutuen eta, egonez gero, Barne-Araudiaren ale bana edukitzea, eta Zu-zendaritza-sailei eskakizunak eta kexak aurkeztekoa.
7. Elkartearen talde ekintzetan parte hartzekoa eta bazkideen erabilerarako gauzak erabiltzekoa (liburutegiak, elkarre-egoitza, e.a.). Zuzendaritza Batzordeak, kasuan kasu, erabakitako moduan.
8. Zigortze neurriak hartu baino lehen, bazkideak idatziz adierazitakoa kontuan hartzekoa eta neurri horiek hartzea eragin duten arrazoiak azaldu dakizkionekoa. Neurri horiek hartzeko arrazoiak bazkideei dagozkien betebeharrak ez betetzean oinarritu dezakete soilik.

31. Atala.- Bazkideen betebeharrak honako hauek dira:

- a) Elkartearen helburuak iristeko lankidetzak ekintsua ematea.
- b) Batzar Orokorrak ezarritako bazkide saria ordaintzea, gastuak ordaintzeko.
- c) Estatutu hauek eta Elkartearen zuzendaritza-sailek balioz hartutako erabakiak bete eta horiei men egitea.



Zigor Arauak

32. Atala.- Estatutuak edo Batzar orokorrak nahiz Zuzendaritza Batzordeak hartutako erabakiak behin eta berriz haustecatig Zuzendaritza Batzordeak bazkideak zigortu ahal izango ditu.

15 egunetik hilabetera arte eskubideak kentzetik Elkartetik betirako egozterainokoa izan daiteke zigorra, beti ere 33 eta 36 bitarteko atalen arabera, biak barne.

Horretarako, Elkarteburuak zigorrari izan daitezkeen jokabideak aztertzeko erabakia hartu ahal izango du. Azterketa horiek Idazkaritzak eramango ditu aurrera, Zuzendaritza Batzordeari neurri egokiak hartzeko proposatuko diolarik. Zigorra ezartzeko ahalmena Zuzendaritza Batzordeak izango du eta zigorra ezarri aurretik arazoa doakionak adierazitakoa kontutan hartu beharko da.

Aipatu erabakiaren aurka -beti ere arrazoiak eman beharko dituen- Batzar Orokorrera jotzerik izango da, 29.1 atalean oharmandako ekintzei ekitearen kaltetan gabe.

BAZKIDETASUNA GALTZEA

33. Atala.- Hona bazkidetasuna galtzeko arrazoiak:

- 1) Heriotza.
- 2) Bazkidea nahita aldentzea.
- 3) Egotzi izan, Zuzendaritza Batzordeak erabakitako zigorra dela eta, honako kasu honetan:

* Estatutuotan Zuzendaritza Batzordeak balioz hartutako erabakietan ezarritako betebeharrak nahita eta larriki haustea behin eta berriro.

34. Atala.- Bazkideren bat aurreko atalean aipatutako azkenengo kasuan aurkituz gero, Elkarteburuak agindu diezaioke Idazkariari, horien berri egokia lotzearren, aurretiazko eginbide batzu egin ditzan. Eginbide horiek ikusita, Elkarteburuak ekintza bertan behera uztea, zigor-espedienteari ekitea -31. Atalean oharmandako eran-, edota Elkartetik egozteko espedienteari hasiera ematea erabaki dezake.

Azken kasu horretan, Idazkariak, egintzak egiaztatu ondoren, idatzi bat bidaliko dio dagokionari, leporatzen zaizkion salaketen berri emanez. Salaketa horiei erantzuteko bere aldeko arrazoiak azaldu ahal izango ditu hamabost eguneko epean. Epe hori amaituta, beti ere, Zuzendaritza Batzordeko lehenengo bilkurara eramango du kasua eta bertan hartutako erabaki egokia. Horretarako Batzarkideetatik %50ko "quoruma" beharrezkoa izango da.

35. Atala.- Elkartetik kanporatzeko erabakia dagokionari jakin araziko zaio eta, era berean azalduko errekurtsua aurkez dezakela egin dadin hurrengo Batzar Orokorreraren Berezian. Batzar horretarako deirik ez bada egiten hiru hilabeteren barruan, aipatu errekurtsua nahiko izango da batzarra egiteko. Bien bitartean, Elkartearen Lehendakariak dagokionari bazkide-eskubideak kentzea erabaki ahal izango du eta Zuzendaritza Batzordeko kide bada, kargu hori utzi erazi egin beharko dio.

Kanporatzeko espediente batzar Orokorrari aurkeztuz gero, Idazkariak espedientearen laburpena egingo du, Zuzendaritza Batzordeak doakionak aurkeztutako idatziaren berri zehatza eman ahal izan diezaien Batzar Orokorrari, honek dagokion erabakia har dezan.

36. Atala.- Kanporatze-erabakia -beti ere arrazoiak emanda-, dagokionari jakin araziko zaio eta honek, eskubideaz baliatuz, Auzitegietara jo ahal izango du bere ustez aipatu erabakia Legearen edo Estatutuen aurkakoa bada.

37. Atala.- Bazkideren bati kanporaketaren berri ematerakoan -berak nahi izanda edo zigorra ezarri zaiolako-, lehendik betegabe dituen betebeharrak betetzeko eskatuko zaio, hala badagokio.

LAUGARREN ATALBURUA

SORTZE-ONDAREA ETA AURREKONTU-ARAUAK

38. Atala.- Elkartearen sortze-ondarea 0 pta.takoa da.

39. Atala.- Elkarreak, bere ekintzak aurrera eramateko, honako diru-baliabide hauek izan ditzake:

- a) Zuzendaritza Batzordeak ezarritako sarrera-kuotak.
- b) Batzorde berak erabakitako aldizkako kuota.
- c) Dauzkan ondasunetatik ateratzen dituen ekoizpenak eta dagozkion eskubideak. Baita legezt hartu ditzakeen diru-laguntza, ondare eta dohaintzak ere.
- d) Estatutuen helburuak kontutan harturik Zuzendaritza Batzordeak erabakitako ekintza bidezkoek dakarzkiten irabaziak, beti ere estatutu hauetan jasotako helburuen esparruan.

BOSTGARREN ATALBURUA

ESTATUTUEN ALDAKETA

40. Atala.- Estatutuen aldaketa Zuzendaritza Batzordearen ekimenez edota bazkideen %25ak eskatuta Zuzendaritza Batzordeak hala erabakiz gero egin daiteke. Dena den, bi kasuetan Zuzendaritza Batzordeak hiru bazkidek osatutako lantalde bat izendatuko du aldaketa-egitasmoa idazteko. Egitasmo horrek Zuzendaritza Batzordeak ezarritako arteztarauei jarraitu beharko die eta Batzorde berak jarriko duela amaitzeko epea.

41. Atala.- Aldaketa-egitasmoa epe barruan idatzi eta gero, Elkarteburuak egingo den lehenengo Zuzendaritza Batzordearen aztergai-zerrendan sartuko du. Batzorde horrek egitasmoa onartu, edo berriz ere lantaldeari itzuliko dio atzera ere ateratzeko.

Egitasmoa onartuz gero, Zuzendaritza Batzordeak hurrengo Batzar Orokorraren Bereziazen aztergai-zerrendan sartzea erabakiko du edo horretarako propio bilerarako deia egitea.

42. Atala.- Batzarrerako deiarekin batera Estatutuen aldaketen testua bidaliko da, bazkideek egoki iruditzen zaizkien zuzenketak idazkaritzan aurkeztu ahal izateko. Zuzenketa-proposamenon berri Batzar Orokorrari emango zaio, beti ere batzarra egin baino zortzi egun lehenago idazkaritzan jaso badira.

Zuzenketak nahiz banaka nahiz taldeka egin daitezke. Idatziz egin beharko dira eta beste testu-aukera izan beharko du.

SEIGARREN ATALBURUA

ELKARTEA DESEGITEA ETA ELKARTE-ONDAREAREN ZERTARAKOA

43. Atala.- Elkarkea honako hauengatik desegingo da:

- 1) Bazkideen nahiaz. Nahi hori horretarako bildutako Batzar Orokorrean azaldu beharko da eta bertan daudenetatik gehiengoaren botuak jaso beharko ditu.
- 2) Herri-Legeen Bildumako 39. atalean azaltzen diren arrazoiez.
- 3) Epai bidez.

44. Atala.- Elkarkea deseginez gero, erabakia hartu duen Batzar Orokorrak kitapen-Batzordea izendatuko du. Batzorde hori Zuzendaritzako Batzordikideek osatuko dute eta dagokien diruaz arduratuko da.

* Bazkideekiko eta besteekiko Elkartearen zorrak ordaindu ondoren, geratzen den elkarke-ondarea, geratzen bada behintzat, helburu beretsuak dituen (dituzten) Entitatearentzat (Entitateentzat) izango litzateke.

ALDI BATERAKO ERABAKIA


EUSKO JAURLARITZA
GOBIERNO VASCO
Justizi, Ekonomia, Lan eta Gizarte
Segurantzaren Saila
Bazkuntza Erroldak
Departamento de Justicia, Economía,
Trabajo y Seguridad Social
Registro de Asociaciones

Eratze agirian behin-behingo izendatuak agertzen diren Zuzendaritza Batzordeko kideak, egingo den lehenengo Batzar Orokorren esanetara jarri beharko dute beren izendapena.

AZKEN ERABAKIAK

LEHENENGOA. - Zuzendaritza Batzordea izango da Estatutu hauetan azaltzen diren aginduak ulertarazi eta Estatutu horien hutsuneak beteko dituen ihardute-sail aginpideduna, Elkarteei buruz indarrean dauden legezko araupen beti, eta aurreko Batzar orokorrari, onar dezan, egindako guztiaren berri emanetz.

BIGARRENA. - Estatutu hauek Zuzendaritza Batzordeak eta Batzar Orokorrek bakoitzak berari dagokion aginpide-esparruan, balioz hartzen dituzten erabaki-bidez aldatuko dira, eta Bostgarren Atalean oharmandakoarekin bat etorririk.

HIRUGARRENA. - Estatutu hauek garatzeko asmoz, Batzar Orokorrek Barne-Araudi bat onartu ahal izango du. Horrek inolaz ere ez ditu Estatutuetako aginduak aldatuko.

B/7126/98

Estatutuak ikustatu ondoren, Elkarteen Errolde Nagusia sortarazten duen Eusko Jaurlaritzaren, Martxoaren 77/1986 Dekretuan eta honi datxezkion gainontzeko manuetan ere zehaztutako ondorioetarako.

Visados los presentes Estatutos, a los efectos determinados en el Decreto 77/1986, de 25 de Marzo del Gobierno Vasco, por el que se crea el Registro General de Asociaciones y demás normativa concordante

Bilbo (e)n, 1998ko urtarrilaren 12an

En, a

ERROLDEKO ARDURADUNA

EL ENCARGADO DEL REGISTRO


EUSKO JAURLARITZA
GOBIERNO VASCO
Justizi, Ekonomia, Lan eta Gizarte
Segurantzaren Saila
Bazkuntza Erroldak
Departamento de Justicia, Economía,
Trabajo y Seguridad Social
Registro de Asociaciones